

Headline	Malam hargai pelajar IKBN		
MediaTitle	Utusan Malaysia		
Date	17 Jun 2013	Language	Malay
Circulation	197,952	Readership	833,287
Section	Supplement	Color	Full Color
Page No	21	ArticleSize	116 cm ²
AdValue	RM 2,293	PR Value	RM 6,878



ABD. Jalil (empat dari kiri) beramah mesra bersama dengan sebahagian pelajar IKBN dalam Majlis Pencapaian Pelajar di Jitra, Kedah baru-baru ini.

Malam hargai pelajar IKBN

BAHAGIAN Hal Ehwal Pelajar, Institut Kemahiran Belia Negara (IKBN) Jitra meraikan pelajar mereka sempena majlis penganugerahan pencapaian pelajar dalam berbagai kategori.

Pengarah IKBN Jitra, **Abd Jalil Abd. Rashid** berkata, tahap disiplin dan mutu pencapaian pelajar sepanjang mereka berkursus selama setahun di IKBN itu telah dibuktikan dengan kejayaan mereka.

“Mereka mulai sedar dengan kepentingan bidang kemahiran dan menunjukkan kesungguhan dalam pembelajaran mereka sekaligus tidak menimbulkan sebarang masalah.

“Kita yakin mereka mampu membuktikan kejayaan apabila menamatkan pengajian di IKBN ini. Dan berharap mereka akan terus berusaha untuk meningkatkan kemajuan diri pada masa depan,” katanya.

Yang turut hadir Timbalan Pengarah, Bahagian Hal Ehwal Pelajar Abdul Rashid Abu Bakar, Pegawai Hal Ehwal Islam Pusat Islam Universiti Utara Malaysia Yusnaidi Md Sabri dan Yang Dipertua Alumni IKBN Peretak Samsudin Oli Mohamed.

Dalam majlis makan malam itu beberapa anugerah disampaikan kepada pelajar mereka termasuk anugerah pencapaian terbaik bagi setiap kategori kemahiran.